

道光遵義府志

遼義府志卷三十七

列傳五

守節

才藝

遼義縣

元

楊道妻陳氏 郡人至元間夫卒守節致和元年楊漢英上其事詔表其門封淑德安人

明

何應熊母閨氏 年二十一夫亡撫子應熊遊庠知府黃立言表曰苦節和丸應熊死復撫其孫亦遊庠

國朝

年八十二卒

志立陳

楊士傑妻石氏 年二十夫亡姑老子幼值吳逆之變負姑攜子潛匿深山三日乏食採蕨供養姑病目無力延醫跪舐得復明後姑病篤哀號欲絕至爲嘗糞及卒喪葬盡禮教子成名雍正三年題旌陳志

陳佩琚妻杜氏 思賢女許字後佩琚年十五忽得狂疾不愈舅姑欲辭婚氏聞痛哭誓不改適及歸甫一載佩琚歿氏甫十六歲遂堅貞守節事翁姑養葬盡禮有古孝婦風氏無出有婢生之子方襁褓婢亦

死氏育之恩勤備至稍長使就傳勗以修身立行子
得成立乾隆三年題旌

谷中王妻葛氏 年二十夫死當夫病篤時對夫剪
髮矢志守節奉姑誠孝畜雞豚以供甘旨身食粗糲
教子有方深夜紡績伴子讀書乾隆四年題旌並通志
庠生王正妻江氏 年二十餘夫歿誓不欲生因念
翁姑老子幼乃泣誓曰俟親歿世子成名卽死以報
亡人於地下守節四十二年乾隆四年題旌

田種珍妻夏氏 陝西叅將夏景涼女種珍早故誓
不欲生翁姑勸以子幼尙殉一已節非所以慰地下

人也氏從命立志守節奉侍翁姑一切養葬竭誠盡孝守節三十二年乾隆七年題旌

張世相妻饒氏年十八歸張再期夫病割股救之卒死夫旣殯引刀方自決遺孤半歲適大哭強褓中因大痛而止囑指以自明志撫孤文遂成拔貢乾隆十二年題旌

李文斌妻任氏適文斌三年夫沒氏勺水不入投繯二次翁姑勸諭因以代夫盡孝自矢繼姪承祧守節四十一年乾隆二十九年題旌

田茂禾妻李氏年十九夫亡遺一子矢志撫孤舅

姑微試以改適剪髮自明事舅姑克盡婦職子廣仁
中乾隆戊子舉人乾隆四十五年題旌

庠生戴居仁妻余氏 年二十四居仁以鄉試卒於
旅迎喪歸遺腹生子矢志撫成兩家父母欲奪之以
死自誓乃止翁姑老病甘旨醫藥能得其歡翁姑沒
公姒憐其食口少謂析居便氏不肯家事唯公姒主
持四世一堂鄉里義之子亮工縣諸生乾隆四十六
年題旌

雍文學妻周氏 年二十七夫亡無兄弟姑憐其艱
苦欲令他適氏以死自誓撫子成立乾隆四十九年

題旌

吳尚簡妻張氏

年二十夫亡家無伯叔子未周歲

矢志奉親撫孤事事不懈

乾隆五十八年題旌

林廷培妻吳氏

年二十三夫亡絕粒數日旋念翁

姑垂老且遺孤當誰依乃稍進飲食

兩家父母憐氏

少微試其志剪髮以示靡他奉翁姑

以順聞夫及翁

姑喪葬半出氏奩具女紅及見長孫國禎成拔貢乾

隆六十年題旌

周國材妻陳氏

年二十五夫亡誓死靡他事祖姑

翁姑皆得其意姑以痛子早世成瘞疾

鹽梳卧起唯

姑賴姑八十餘氏六十餘無稍厭倦教三子皆知禮法孫曾林立子且老事無大小猶必稟命而行云嘉慶十八年題旌

陳正仁妻苟氏 年二十四夫亡無出誓不欲生寡以某氏有子謂之曰一子兩祧吾兩人共守此耳乃矢志與寡姒共事孀姑滿目孤嫠朝荼暮蓼嘗以紡織之餘建宗祠奉祀唯謹無何寡姒孀姑及姪相繼沒同宗更無子姪可繼時氏年未四十白首完貞永操不改嘉慶十九年題旌

李尚志妻姚氏 年二十四尚志以兵從征雲南病

死氏矢志撫孤家貧翁姑甘旨不缺皆自紡織來也
子占梅令世父業以功授把總道光三年題旌

林世鏞妻陳氏 年二十一夫沒越月遺腹生子矢
志撫孤終身不御膏沐家貧紡績以供翁姑教子有
法鄉里賢之道光三年題旌

知府王恆妾傅氏 年十六適恆生子廷藹甫二歲
恆卒於任時氏年二十二隨嫡攜孤扶櫬旋里卽矢
志守節持躬莊肅操作勤能訓子有方俾登鄉舉平
生見族戚子姪必勗以孝弟遇歉歲卽竭力周濟不
稍吝惜里黨稱婦德母儀兩無遺恨道光七年題旌

旌表現年七十

車廷贊妻楊氏 年十八歸車車江西臨川人遠賈
遵義氏以舅姑遠隔勸速歸養車從之挾返臨川臨
行含淚慰父母曰如楊家有婦耽母家不顧公婆爺
嬪以爲何如人兒今日猶是也舅姑沒後復從夫賈
遵生一子夫病篤謂曰車家兩代單傳僅此子絕續
在汝矣氏啞指爲誓夫遂卒時氏二十六撫子成立
道光十二年題旌

梁德光妻喻氏 年二十餘夫死無子女矢志撫夫
弟之子年七十歲 年題旌並題

庠生楊春妻程氏 生雲妹崇禎壬申春殉於楚之承天府氏年甫十九遭亂兵橫逼完節無虧後屢經饑饉茹荼集蓼勵志彌堅年六十二卒

貢生程生瑞妻任氏 通經史夫亡時年二十八三子俱幼氏攜子泣交夫兄生雲絕食數日屢欲投繯賴姑嫂嚴守婉勸始決志同夫妹守節教子歲大饑紡織茹荼老節逾勵時值亂兵橫逼日夜以利刀自隨年六十三卒郡人以一門雙節稱並通志

舉人宋文蔚妻傅氏 生一子甫數月文蔚亡時經僞兵過邊有弁欲扛之去氏聞其息卽負子遠遁山

篤飲水三日賊旋逃去氏始出守節終身

黃恩詔妻劉氏
庠生體仁女生二子夫歿時氏年二十餘事寡姑撫二子成立艱苦萬狀

庠生沈重鼎妻王氏
夫死時氏年甫十八生二子守節撫孤終其身並遵郡紀事

庠生梁妻劉氏
年二十三夫亡子養聖甫三歲撫成遂庠聖生子偉母亦早喪氏復撫之後聖與偉相繼死氏復撫孫倫與曾孫爾類撫孤三世孀節逾堅年八十一卒

庠生彭蠡妻張氏子庠生邦輩妻黃氏
張年二十

五夫亡子女俱幼又遺腹生一子貧無資業惟紡績撫以教值兵荒與婢採蕨爲食有瞿姓者妻死謀娶張張面斥絕婚教鑿前妻子邦輩遊庠早死婦黃時年十九有姻婦勸他適手刃其右手幾斷姻婦戰栗逃走與張撫孤終身康熙十一年學道張批公呈云一門雙節兩代堅貞張年七十二卒

武進士何圖妻蔡氏子庠生其英妻陳氏 甲申後圖潔轉於外蔡孤苦二十五年備歷艱辛教子其英遊庠及圖歸相敬如賓鄉人矜式其英早死妻陳氏亦守志後翁姑繼沒零丁孤苦復屢值兵掠年荒穀

姑節其難倍甚云

鍾鳳翽妻黎氏 年二十五夫亡子女俱幼氏撫教備至守節終

羅正綱妻鍾氏 凤翽女生子甫六月夫亡同母黎氏守節終

庠生熊兆渭妻彭氏 年二十五夫亡撫半歲孤兒事八十歲老姑色養兼至姑沒服喪盡禮子早死撫二歲孤孫使熊氏有後知府史加猷表其閭

庠生張旦妻鄭氏 旦死於滇氏年甫二十五撫孤茹苦守節終身並陳志

趙尚清妻田氏 年二十六夫客死綦江遺三子氏
矢節撫孤耕讀竝教事翁姑以孝敬稱年八十一卒
張好仁妻龐氏子裔智妻馬氏 龐年二十九夫死
撫孤長成而病馬氏割股救之不起時馬年二十一
族人奪其產逼之嫁馬不從逾數月生遺腹子龐以
子夭致族凌因卧病馬獨力扶侍至三月姑歿喪葬
盡禮家無寸產紡綿鍊榮撫孤成立年八十二卒
知縣牆曉妻陳氏 嶄開州人乾隆丁丑進士後移
居遼義氏年二十五歲卒嶄惟繼妻生一子甫七歲
氏撫教成立家貧拮据至老無怨年七十八卒

羅寵妻楊氏 年二十一夫死守節年七十七卒

梁德修妻唐氏 夫病割股以救弟起氏時年二十

六無出家且貧矢志事姑辛苦異常年七十七卒

周維城妻李氏 年二十夫死子寬生甫踰月氏矢

志撫教寬成廩生年八十三卒

楊盛禮母葉氏 年十九夫死生子甫數月翁姑早

逝兄弟竝亡家產蕭條氏矢志苦守撫孤成立

張瑤妻趙氏 年二十六夫死撫孤四十八歲卒

庠生李璉妻趙氏 年二十六夫死撫教三子希光

紹堯承堯俱成庠生年六十四卒

舉人李鳳翽母張氏

年二十七夫酒死力貧撫孤

鳳翽

早卒氏又撫諸孫成立年七十八卒

嚴星妻李氏

年二十夫死守志年六十二卒

譚國翰妻黃氏子思堯妻王氏

黃自二十五歲矢

節年七十卒王自二十四歲孀居終身

庠生羅士柟妻姚氏

年二十八夫死撫教遺孤禮

法整嚴子淡皆遊庠

楊臻妻侯氏

年十八夫死守節年六十卒

彭祚昌妻詹氏

年二十夫死遺一女時翁姑已六十餘歲氏痛彭氏絕嗣力勸翁置妾後果生子迎

十餘歲

氏痛彭氏絕嗣力勸翁置妾後果生子迎

三月而母死逾年翁亦死氏乳養孤叔稍長擇師教之叔稍拂意卽親加夏楚繼之以泣桔据門戶事事完整叔亦淹通經義事嫂如母氏年七十餘卒迎昌爲服義斬人並稱之

廩生徐泰妻張氏 年二十歸泰二年泰亡無出母家欲令改適誓死乃止以泰兄淵子懋昭爲繼不失教訓事姑亦循謹泰弟準官御史欲貿封張不可年七十七卒

李景順妻曾氏 年二十七夫亡遺一子守志撫孤子婦皆三十而殂復撫兩孫年七十卒

蕭張氏 鑑女年二十夫死有富室子欲娶之託其戚道意氏怒詈曰爾乃爲肥鼻子作說客耶事遂寢有兄子父母俱亡氏撫教之子嗜酒博塈師不能範一日呼跪前責之曰蕭氏一線微至此有子又如是爲鬼者不其餒乎因泣子遂感悟年七十餘卒

田氏姊妹 姊適王妹適李夫竝蚤死無子守志以終王恆撰雙節傳嗚呼烈婦多顯於世而節十不及二三豈非以守貞者婦人之常耶然而節有難易若夫簪纓世膚席豐履厚侍御眾多子女繞膝者其勢易明史所謂宰相夫人禮無再醮者是矣陋巷茅簷

餐粥不繼既無遺孤復無恆產而百折不回磨而愈堅者其勢難詩所謂我心匪石之死靡他者是矣遵義田禾或氏諸女皆嫋闈訓知以貞靜自勉四女適李氏三卽恒之叔母年十八嬪於叔綜內政咸得其宣俾叔得專力詩書性至孝事翁如父翁病侍奉湯藥日夜不倦翁病篤焚香籲天願以身代病竟不起居喪哀毀飲食俱廢者數日親串聞而賢之後二年叔亦卒無子矢志不嫁妹之適李氏者結褵僅年餘而夫亦卒翁姑憫其年少無子欲奪其志以死誓事遂已泣謂姊曰吾二人賦命不辰恨不及相從地下

其忍覬顏他適乎況與姊雖無遺孤而上有垂白之老孝翁姑正所以成夫志也願與姊終身守義於是皷手搘腹勤習女紅以給薪水灌園治圃以供甘旨老人顧而樂之竟忘其爲貧而無子者後兩家俱有繼嗣姊妹撫以慈教以義嗣子俱賴以成立有聲士林今且含飴弄孫矣鄉黨莫不嘆曰姊若妹之境遇窮困如此而忍死艱辛仰事俯育節孝並著可謂賢哉以視世之富貴而立名者其難易固不可同日語也論曰三代以下昆季而躰患者多矣間有一二人如元芳正芳伯淮仲海輩千古卽侈爲美談若夫巾

國之中旣無明師蓋友相磨琢未嘗窮經史明大義而乃同心競爽共矢栢舟爲氏孝子爲父爲師爲家督歷數十年如一日雖古之賢昆仲何以加焉是大可傳矣

庠生楊廷樞妻易氏年二十八夫死撫孤復早沒年八十五卒

馮國基妻劉氏夫屢病危三割股以進卒死氏時年十八無子矢志奉翁姑姑老旦昏氏刻侍左右事稱姑意年八十卒

馮長輔妻戴氏年二十九夫死撫孤廷瑞成庠生

孫煜曾孫光瓏俱列邑庠五世同堂年九十六卒

晉登魁妻張氏 年二十八夫亡矢志撫孤年一百二歲卒

晉于信妻陳氏 年二十七夫死撫遺孤事翁姑惟謹年五十一卒

田維楨妻陳氏 年十八夫死無翁姑伯叔撫遺腹子成立年六十八卒

霍奎光妻譚氏 世職妹年三十夫死教子耕耘嚴慈備至復教孫鍊成庠生年八十二卒

劉鑑妻周氏 年二十三夫死撫孤年七十六卒

劉之成妻李氏 年二十六夫死撫孤續尙成庠生
年七十七卒

李正德妻牟氏 年二十六夫死守志年八十四卒
楊汝梁妻羅氏 年二十五夫死撫三子成立事姑
孝姑嘗冬病思食筍氏禱於神忽值賣筍者氏脫指
環售以進姑病立愈教子孫甚嚴見次子斌孫起予
曾孫化南春先俱成庠生年八十卒

張檀茂妻唐氏 年十八檀茂構疾頗殆氏母欲阻
其婚期使姊姊輩探氏意氏曰旣許之則生死皆張
耳遲遲欲何爲乃婚姻三月卽隨夫之舅自信滇中

任逾歲夫殂氏呼捨幾不支翁力諭意少安時氏家
惟祖母與仲兄存計至甚憫之稍欲爲氏後日計適
族人有赴滇者使示以意氏致書祖母竝剪髮附歸
家得書復令仲兄往省氏謂兄曰從命與守節孰難
兄曰守節難氏曰吾爲其難者氏自此慮兄奪其志
亦疑翁姑意自飲泣與家人作訣詞是年翁居省
館爲叔完娶氏忽作喜容起居如故當宴客姑及婢
輩皆趨廳事氏潛至後園踰墻出投井中死時年二

十四

庠生石含玉母李氏 年二十四夫死含玉甫二歲

苦志撫成事翁姑盡禮年五十卒

何銓妻劉氏 年二十二夫死撫遺腹子成立年三十卒

庠生馮廷龍妻劉氏 夫病氏兩次割股救之卒死

無子氏時年二十二善事老姑親舐病目扶持左右

日夕不離姑卒後一婢隨身足不出戶年八十二卒

羅欽周妻潘氏 年二十七夫死遺孤旋夭撫姪明

善成庠生年七十一卒

朱繩武妻張氏 年十九夫死守志年六十五卒

周廷英妻毛氏 年二十八夫死守節年五十卒

羅毓茂妻羅氏 年二十一夫死五月遺腹子生時
翁沒姑老夫弟竝幼氏事姑十餘年姑沒婚諸叔無
孤子皆令成立年六十五卒

李世明妻周氏子應祥妻周氏 世明妻年二十七

夫故幾不欲生翁姑多方慰解經兩月遺腹子應祥
生誓曰曩所以不死以此一塊肉也天若佑厥孤誓
之死無二自是代夫事親每食必躬具不假手婢僕
曰恐他人不似我盡心也翁姑卒哀禮俱至事繼姑
亦得其歡心應祥長爲娶其姪姪之事姑也亦如其
姑舊時生子三年二十七應祥死慰之曰我與若猶

是也其善繼我志姪泣承命課諸子如嚴師兩世續居孤燈一室紡讀聲非中宵不已世明妻年九十一及見曾孫萼輝中鄉試應祥妻卒年八十

王璲妻蕭氏 氏翁應募征金川陣亡璲往求父尸死於路時氏年二十四事老姑撫遺腹子借人居針黹自給旋姑亦死氏盡鬻粧以葬貧極或勸之嫁氏曰吾寧凍餓死不作此徇行也惟此子也存吾與存亡則吾與亡耳家稍有嚴課孫元弼讀書目見成庠生年七十四卒

楊震才妻馬氏 年二十四夫死越兩月遺腹子生

時惟夫祖母存家貧極氏拮据事畜後子婦相繼死
氏復撫孫文江得列縣庠年八十五卒

王愷妻黃氏 年二十一夫死力貧撫遺腹子成立
年七十六卒

霍鳳光妻胡氏 年二十二夫死守志撫孤年八十
一卒

何明治妻朱氏子婦吳氏 朱年二十四夫死事翁
姑撫孤子克稱慈孝其子早死因病篤媳吳氏年二
十一復善奉事形影相隨人稱雙節朱卒年六十二
吳卒年四十九

黃拱昭妻宗氏 年二十六夫死守節年四十八卒

生員戴楨妻鄧氏 年二十九夫死守節年六十三

趙珣妻周氏 景復高祖母年十九夫死撫孤成立

何仕材妻蒲氏 年十九夫死無嗣矢志養翁姑年

七十九卒

周法祖妻黃氏 年二十四夫死矢志撫孤年五十
五卒

劉之良妻胡氏 年二十夫死無出依母家守志年
九十卒

鄧紹鑑妻謝氏 年二十二夫死逾月遺腹子生繼

姑勸之嫁氏不從嗣稍逼之氏持刀斷左小指姑爲感動遂慈憐之氏力貧撫孤養葬繼姑盡禮年七十卒

胡謝氏 年十九夫死無子守節家赤貧紡績以奉翁姑壽八十餘卒

黃銖妻劉氏 年十九夫死生遺腹子撫養成立敬事翁姑和輯娣姒鄉里欽之年六十卒

周世榮妻劉氏 年二十七夫死守志年七十八卒

舉人湯琳妻李氏 子應星妻曹氏 李年二十九琳死撫子應星早沒婦德揚女時年二十五撫孤光澤

成庠生李年七十八卒曹現存

吳自相妻張氏 年及笄歸吳越二年夫死遺子甫
數月守志撫成年八十卒

雷動遠妻羅氏 年十六婚期已定夫病篤父母議
易期氏請行歸後夫蓋危氏割臂救之旋死兩家欲
奪志氏忿投于井救免苦節終身年七十一卒

馬盛勳妻令狐氏 年二十三夫死撫孤成立年五
十八卒

朱開華妻姚氏 年二十六夫死守節年七十八卒
何際明妻李氏 年二十二夫死矢志撫孤年九十

六卒

生員尹垂憲妻唐氏 廉曾孫女年二十三夫沒遺孤甫六月氏撫教備至事寡姑三十餘年誠敬得其歡心見其孫良經良遂遊庠年七十五卒

蕭欽堯妻冉氏 年二十三夫死遺一女矢志終身奉姑稱孝年五十六卒

劉朝亮妻李氏 年十八夫死無子時翁姑年俱五十餘氏多方慰其心又勸翁納妾因生朝珍旋翁姑俱沒氏與庶母鍼紡教誨見朝珍成庠生年六十四卒

徐惠祖妻冉氏

年二十六夫死撫兩孤成立事

姑蓋禮年八十五卒

鄭學焯妻王氏

年二十五夫死無子矢志奉姑年

七十卒

梁光顯妻賀氏

年二十七夫死於外遺腹生一子

力貧撫孤奉孀姑十餘年年七十卒

黃仕鳳妻張氏

年二十八夫死無子旋兄嫂俱死

遺一子姑老極貧氏撫姪養姑艱辛備歷年六十五

楊璉妻李氏年二十五夫死撫孤年七十二卒

蔣志明妻陳氏

年三十夫死事翁姑存沒盡道撫

子宗周成庠生年七十一卒

胡天民繼妻申氏 年二十六夫死撫前妻生二子
竝成立而死守孫女孀居年七十一卒

王仕文妻冉氏 年十六適王甫三月夫客死氏矢
志事翁姑紡織供給有餘盡分諸夫之二弟年八十
一卒

張文翰妻何氏 年二十五夫死守節年五十二卒
趙士華妻曹氏 年二十二夫死遺子三家無寸地
氏傭以養之以生子貧不及授書孫曾俱令勤學年
八十七卒

蕭瑤妻陳氏 年二十九夫死力貧撫孤年七十九

卒

王總徐正仁妻夏氏 國琦姊知書通大義年十五

歸徐未兩月正仁之漕河督運氏代子職以孝聞嗣

正仁丁憂回籍旋死氏年甫十九家貧極撫孤成立

早死媳遺腹生一子不耐貧改嫁氏恃女紅撫孤孫

艱苦萬狀胞弟與壻皆官縣令氏不乞一米寸帛也

年六十二卒

徐子示妻何氏 年二十七夫死守志年八十四卒

妻大順妻李氏 大順以兵從征興義苗戰沒氏時

年二十六苦志撫孤年六十九卒

牆士淦妻宦氏 儒章女年十六歸牆從夫之筠連
翁任所逾年夫死無子翁姑亦沒氏扶三柩歸葬撫
四齡弱叔成立婚娶牆氏賴以不絕氏幼讀書通大
義自爲孀婦不以一字示人蔬食終其身年七十五
李世雄妻彭氏 年二十七夫死矢志年八十一卒
趙廷貴妻馮氏 年二十夫死力貧撫孤年六十卒
王廷選妻胡氏 年二十三夫死守節年七十餘卒
李金魁妻丁氏 年二十六夫死撫遺腹子事姑備
艱辛年八十八卒

蕭近周母李氏 年二十二夫死守節年九十三卒
羅輝繼妻李氏 年二十夫死遺前妻子甫三歲氏
撫之成立年七十八卒

文宗貴妻金氏 歲貢錚女幼卽端慧年二十歸仁懷把總文錦子宗貴時翁沒惟姑存家貧甚氏鬻績供膳惟恐不給嚴寒酷暑恬如也常苦無燈卽以香插車映微光以紡至雞鳴始息嗣宗貴充行伍從征四川叛苗陣亡氏時僅生一女念姑無依自矢代夫職後姑病危執氏手嗚咽曰吾子不幸早死而汝方二十五齡勞心悴形衣食兩無今我死孤女幼汝又

世家女母太堅乃志氏涕泣誓不渝姑卒後竭哀盡禮依外孫爲活年六十四卒

張月枝妻聶氏 夫早死無嗣守節六十七年卒

王崇遠妻任氏 年二十九夫死撫孤年七十七卒

董學舒妻蕭氏 年二十七夫死無子矢志事翁姑年七十七卒

鄭大位妻楊氏 年十八夫死踰月生遺腹子力貧撫成年六十八卒

李修玉妻楊氏 年二十六夫死撫孤守節年五十三

李洪德妻杜氏 年二十二夫從征死無子守節終

李鳳舉妻楊氏 年二十九夫死力貧撫孤事翁盡道年六十二卒

監生劉志純繼妻吳氏 年十九夫死矢志事翁夙以孝稱年八十八卒

章汝恭妻李氏 年二十二夫死撫孤年五十六卒
武生周鳳詔妻劉氏 年三十無子守志七十四卒
陳羅氏 年二十八夫死撫遺腹子年六十四卒

劉國彥妻李氏 年二十七夫死撫孤年八十卒

王槐兆妻唐氏 年七歲父母俱喪依姑以長適王
年餘夫死時年十九遺孤半歲盡瘁撫成孤生一子

旋死氏與子婦撫孫祭苦萬狀年四十五卒

鄧貴成妻何氏 年十七夫死撫前妻子年八十餘舉人周文言妻吳氏 年二十七文言死無子姑痛甚氏姑淚多方慰姑若忘爲夫亡者久之姑亦忘子之亡命氏繼夫兄子爲嗣義方聞鄉閭年四十一卒

張黎氏 正馨姪年二十二夫外死矢志年七十卒

楊自隆妻李氏 年十七歲歸李甫歲餘夫死無子氏以死誓守節力貧以奉翁姑終其身不赴宴會子姪外罕見面者道光五年年九十一卒

周懷南妻嚴氏 年二十四夫死無子撫夫兄子爲

繼家貧姑又有弱疾氏竭力侍養十餘年無倦色現
年八十五

李思洪妻雍氏子妻岳氏 雍年二十三夫死越七
月生遺腹子撫至成立早死婦岳時年三十與姑撫
遺孤辛苦備至雍現年八十四五世同堂岳現年六
十六

朱耀武妻于氏 年二十四夫死守志現在年八十

蕭文燦妻陳氏 年二十二夫死遺一女矢志養翁
姑撫夫兒子爲後姑病劇氏割股救愈現年八十一

陳敏蔚妻令狐氏

事姑孝姑疾篤氏侍之衣不解帶數十日姑臨終語之曰婦侍我至願婦老壽康健

如我夫病寒幾殆氏割左股救之得愈年二十五夫歿時子甫一歲辛勤撫教族黨欽焉現年八十

文明妻劉氏

年二十五夫死遺孤一氏力貧撫成事姑盡道現年八十

周殿岐妻桂氏

年二十七夫死矢志現年七十八

馬貴妻阮氏

貴以兵從征興義陣亡氏時年二十七

七無子守志現年七十七

危元贊妻王氏

年二十六夫死力貧撫孤現年七

十七

陳思明妻江氏

年二十五夫死守節現在年辛七

江克興妻岳氏

年二十九夫死撫孤現年七十四

葉大明妻侯氏

年二十七夫以兵從征興義陣亡

氏矢志撫孤現年七十四

呂全越妻董氏

年二十六夫以兵從征興義陣亡

無子氏苦志事姑現年七十三

余萬遂妻劉氏

年二十八夫死矢節撫孤現年七

十三

陳應玉妻黎氏

舉人正馨女年二十九夫亡於外

無子女家赤貧氏依姪守志荼苦備歷現年七十四
鄭藩妻李氏 年二十三夫客死守志現年七十二
庠生張繼遠妻楊氏 夫病篤割臂救之竟死時年
二十三矢志撫孤繼姑久廢氏善事十餘年無怠教
前妻子顯謨成庠生現年七十一

何際理妻張氏際光妻葉氏 張夫病篤割臂救之
卒死氏時年三十葉亦年三十夫死妯娌守志撫孤
事翁盡禮現年俱七十

唐兆彪妻李氏 年二十九夫死惟王姑及姑存氏
矢志奉養撫孤成立現年六十九

陳鳳鳴妻田氏 年十八夫死遺孤數月矢志撫成
現年六十八

閔瑗妻羅氏 年三十夫死遺一女甚貧事舅姑生
死盡禮現年六十七

唐兆熊妻楊氏 年二十五夫死守志現年六十六
余佑明妻羅氏 年二十三夫死繼姪守志孀姑病
篤割股以救現年六十六

麗文元妻李氏 年二十七夫死遺二子力貧撫孤
現年六十六

胡文龍妻周氏 年二十三夫客死撫孤現六十五

王國柄妻陳氏 年三十守志撫子七十七卒

胥鄧氏 年二十夫死遺孤甫數月家無斗米儲氏
苦志食力養葬翁姑現年六十四

鍾效祖妻劉氏 年二十八夫死矢志現年六十四

夏子品妻周氏 年十八夫死守節現年六十四

李枝禮妻譚氏 年二十五夫死守節現年六十四

閔劉氏 年二十八夫死無子守志針黹養翁以終

王槐欽妻陳氏 年二十八夫死守志現年六十四

張錫妻黃氏 年二十三夫死守志現年六十四

鄒富妻吳氏 年二十四夫死撫孤家貧茹荼度日

以針黹所獲供事翁姑現年六十三

楊任泰妻王氏 年二十七夫死矢志繼姑老病不仁氏躬親扶持十餘年不倦舅患癰藥不可治氏見卽涕咽頻令子吮之而愈現年六十三

羅洪陞妻陳氏 年二十七夫死守志現年六十三

楊再鱣妻湯氏 以貧與夫移居興義旋夫死時年二十七遺孤二歲百計撫成後攜歸里現年六十三
楊照妻梁氏 年二十五夫死無子守節現年六十三

袁崇志妻陶氏 年廿九夫死撫遺腹子成庠生卒

黃春和妻曾氏 年二十七夫死守節現年六十二

周士鈞妻李氏 年二十一夫死遺一女矢志旋女
死繼姪爲夫後又死依伯叔居勤理婦職現年六十

張良卿妻袁氏 年二十九夫死撫孤現年六十一

李天林妻王氏 年二十四夫死無子矢志紡績自
給現年六十

庠生馮思融妻胡氏 年二十八夫死撫孤成立現
年六十一

黃鎔妻何氏 年二十九夫死守節現年六十一

知縣彭謐謐繼妻王氏 年二十七謐死守節現年六

十

韓正霖妻李氏 年二十四夫死撫遺腹子成立現年五十七

陳廷梁妻程氏 年二十二夫死撫孤成立現年五十七

李天麟妻王氏 年二十四夫死力貧撫孤現年五十六

皮應斗妻夏氏 千總邦明女年二十七夫沒撫孤成立道光六年有失百金於門外拾得詢還之知縣王銓旌其門現年五十六

陳龍玉妻田氏 年二十六夫死守志現年五十六

王正照妻鄭氏 年十九夫死上奉夫家三世下撫

遺孤現年五十六

陳鋗妻冉氏 年二十一夫死守志現年五十五

廖世順妻李氏 年二十三夫死逾五月生遺腹子

矢志撫孤現年五十五

馮氏姊妹 姊適陳朝祖六年夫死撫姪守志至今

四十年妹適監生鄭化龍歲餘夫死撫遺腹子至今

三十年

熊廷杰妻袁氏 年二十夫死守節現年五十五

唐仕祥妻陳氏 年二十一夫死守志現在年五十

趙聘妻馬氏 年十五未嫁夫死矢不更字現年五十

唐源溟妻鄭氏 年二十夫死力貧撫孤事翁惟謹
現年五十四

董正坤妻黃氏 年二十一夫死遺孤甫七月矢志
苦守現年五十二

羅自章妻劉氏 年十九夫死矢志撫孤現年五十

並公舉事實

附錄張妹哥 九鵬女母龐氏病篤割股以進遂
愈守令旌其門

陳志

正安州

明

袁端妻張氏 年二十七夫亡子志偉三歲父母逼之改嫁剪髮自誓守節七十餘歲終

士官鄭紹勲妻羅氏 紹勲卒時命氏改嫁氏悲慟欲自縊家人嚴守之不得間守節至六十餘歲平居雖親黨未嘗得見其面並陳志

國朝

張黃氏 康熙三十四年題旌坊建城內今祀事實不存

張如柏妻黃氏 年二十二夫死氏以兒子爲嗣事
翁姑甚得歡心姑病禱于神方割股忽暈仆見一神
撫其背曰速歸姑將逝矣旋寤急走扶姑死于手年
七十餘卒乾隆十一年題旌碑

童氏 乾隆十一年題旌事實不存

陳童氏 乾隆二十三年題旌事實不存並州志

江啟祥妻劉氏 七歲父母俱亡無所依卽適江作
養婦姑性嚴而偏動施訶撻氏承奉盡謹年十七完
配越五年夫死無出日夜紡績以資生喪葬翁姑盡
禮撫夫弟妹艱苦就昏嫁視夫兒子若親生後俱成

立爭迎互養道光十二年題旌

鄭先喬妻婁氏 年二十一夫亡矢志奉親撫孤道光十四年題旌

李德泰妻徐氏

生有至性知書識大義適德泰三年夫沒家故貧子方周月氏不憚饑寒辛勤撫字就

課典籍有若嚴師子年少遊庠道光十八年題旌

溫繼志繼室劉氏

年二十適繼志家貧翁姑老且多病紡績以供甘旨藥餌五年夫亡無出撫前妻子

辛勤備至道光十八年題旌

張世禮妻鄭氏 年二十五夫亡翁七十餘繼姑五

十餘皆多病且有弱叔小姑嬰孩待哺氏獨力經營
事事周至撫二子繼良鵬翔並成庠生道光十八年

題旌並題冊

翁廷舉妻趙氏 年二十七夫沒上事翁姑下撫幼
子鳴岡中鄉試年八十餘卒

冉鴻教妻姚氏 南龍府敎授黨妹適鴻教六載夫
沒時年二十餘遺孤寶鑑甫三歲族人覬覦家產逼
奪志氏以死守繼攜孤避居外家敎鑑成庠生始歸
舊業鑑旋死撫孫廷瑚廷璉俱成庠生年八十六卒

李世林妻陳氏 夫死時年二十餘撫遺孤祥拔入

州產年七十餘卒

周世龍妻陳氏

年二十四夫沒矢志事翁姑撫弱

息備歷艱苦

並州志

溫理妻謝氏

年二十夫死遺孤甫一歲翁姑病且

老兩弟皆幼家極貧氏事事躬親心力俱瘁翁姑竝
登上壽喪葬盡禮撫教子姪有餼于庠者年七十五

卒

公舉事實

桐梓縣

明

庠生李天根妻傅氏年二十夫亡無子有婢名保

妹亦年二十佐氏守節以力耕紡績治生先是舅姑皆淺窓氏卜吉地取二柩合葬遂廬而守之至七十七歲卒越四日婢亦卒

傳天鑑妻黃氏 年二十夫死二子方離襁褓遭楊酋叛播越艱辛克免於難勤苦教子元泰登歲薦元彌廩膳生卒年八十有六督撫旌其門郡守孫敏政贈以詩

貢生黃以素妻傅氏 以素年未三十死遺兩孤氏慟復甦曰吾從夫死無盡不如教子以繼夫志自束甚嚴教子惟謹次子隆中有聲庠序年七十卒

庠生洪圖寡妻傅氏 圖寡崇正間赴國子學值李
自成陷京師與難氏年二十無子依外家守節卒年
七十二並志陳

庠生金玉繩妻張氏 年二十八夫死家貧子幼氏
勤紡績苦志教二子皆遊庠
令狐懷周妻蔡氏 夫病危割股救之立愈縣令以
苦行堅貞表其門

熊文鑾妻毛氏 年二十七夫死守節踰七年值兵
亂聞孫可望有許兵奪婦幼女之令急奔往投岸
家人救之得免教子如爲庠生年七十三卒並通志

國朝

熊京妻黃氏 年二十四夫亡子之璉甫一歲紡績
苦守事孀姑盡孝撫孤成立雍正六年題旌
庠生趙蘭薰妻吳氏 年二十九夫亡子方半歲出
妝奩以供紡績督臧寢以勤耕種撫子成立清操四
十餘年雍正七年題旌

王緒妻張氏 年二十二夫病祈天願以身代及卒
守志教子遊庠孀居三十載雍正七年題旌

蘇毫山妻傅氏 年十七夫死子未逾月氏矢志撫
孤二歲子又殤乃以夫姪公源爲嗣苦敎成拔貢數

年又沒氏復撫孫成立年八十六卒道光七年題旌成在庠妻畢氏年二十八夫亡守志撫三子舅姑疾兩刲股以療皆得痊舅沒姑老氏已六十色養不衰孫曾三十餘人雍雍一堂能承其教道光三年題旌

覃志攀妻令狐氏夫病氏兩刲股以療終不起氏時年二十七數欲身殉念子方周翁姑且老忍復累之遂矢志撫孤奉姑四十年道光十六年題旌並題旌冊陳思忠妻傅氏夫病危刲股救之立愈年二十七夫亡矢志孫以偕曾孫其金元孫正涵一亨來孫際

雲際同並中鄉試

周希聖妻令狐氏 年二十三夫亡矢志撫孤家貧如洗奉翁姑養葬盡禮

鄧林賢妻陳氏 年二十夫亡撫遺腹子歷六十年

年八十二卒

庠生王希文妻趙氏 年二十五夫死苦節數十年

王光湛妻張氏 年十八夫死撫孤年七十九卒

張懋唐妻趙氏

年二十六夫死撫孤年五十一卒

趙潛妻藍氏 年二十八夫死撫孤年八十二卒

藍啟鰲妻丁氏 年二十二夫死撫二子服襟成貢

生服周成庠生年八十二卒

趙式業妻藍氏 年十八夫死撫孤年八十六卒

馮高培妻蘇氏 年二十五夫死撫孤年八十卒

令狐開榛妻金氏 年二十九夫死撫孤元彬成庠

生年八十卒

藍紹班妻張氏 年十九夫死撫孤年五十五卒

蘇民春妻李氏 夫死撫孤苦節數十年

華學貢妻李氏 年二十九夫死撫孤年九十二卒

趙毓蘭妻金氏 姑病刲股獲愈夫病亦割臂救之
卒死氏年二十三撫孤元彬成庠生年六十五卒

張懋居妻趙氏 年二十五夫死守節五十年

猶光燦妻李氏 年二十六夫死氏奉翁姑撫孤子

年六十六卒

黎宦妻吳氏 年二十四夫死撫孤年八十卒

趙明溥妻劉氏 年二十七夫死子幼家貧苦守無

怨年五十六卒

張紹宗妻金氏 年二十二夫死撫遺腹子年六十
二卒

成安禮妻令狐氏 年二十七夫死孝事翁姑撫孤
夢卜成庠生

庠生令狐開作妻李氏 年二十夫死事翁姑盡禮撫孤元勳成庠生年七十卒已斂越二日復甦遍告家人而沒

金陳氏 年十九夫病割股救之不愈撫孤後姑病氏亦割股救之獲愈年九十卒見孫夢桂成庠生楊學義妻令狐氏 年二十八夫死家貧極有豪貴欲娶之氏剪髮毀容苦守教子年八十三卒

庠生曾振基妻李氏 年二十八夫死善事翁姑撫孤翕受中鄉試

曾宗魯妻金氏 年二十五夫死無出其母弟已竊

改字乘氏往祖山省墓遺僕誑迎之氏覺卽夜馳歸
撫姪平衡入郡庠終身不返母家年六十卒

金正璋妻姚氏 年二十八夫死家貧紡績撫孤見
孫仍彊食廩餼年九十二卒

金汝瑛妻王氏 年二十七夫死撫二子俱早亡次
媳生遺腹子氏復撫之年七十四卒

趙明開妻張氏 年二十二夫亡撫孤年五十七卒
成安節妻王氏 年二十五夫亡撫二子夢祥大鋐
俱成庠生年八十七卒

馬建商妻曾氏 夫遠出氏事病姑割臂愈之未三

十歲夫死守節年八十卒

令狐志湜妻成氏 年二十五夫死年九十六卒

令狐開曙妻陳氏 年二十二夫死撫姪爲繼年七

十二卒

令狐明聖妻鍾氏 年二十夫死無出守志年六十

卒

令狐開暘妻羅氏 年三十夫死撫孤見孫明源中

武舉五世同堂年八十八卒

辛文進妻周氏 年二十夫死氏以有遺腹未果殉

閔二月將娩氏持刀誓曰男也爲夫撫之若女則從

地下也生乃男辛勤撫教孝事老姑病危割股以進
年七十餘卒

王光贊妻張氏 年十九夫死遺一子誓不再適勤
苦治家教子孫惟謹年八十餘卒邑令表其門

張銘璉妻何氏 年二十七夫死撫孤早歿又撫孫
紹文成庠生現年九十

令狐毓光妻趙氏 年三十二夫死撫孤現年八十

令狐趙氏 年二十一夫死撫孤子處奇窮現年八

十

三

趙國楠妻羅氏 年二十五夫死撫孤早沒又撫孤孫貧苦逾常現年八十

趙明鎬妻令狐氏 年二十八夫亡撫孤運清中鄉試現年七十七

金仍級妻屠氏 年二十二夫死撫遺腹子現年六十五

金雲年妻張氏 年二十六夫死無子善奉衰姑現年六十二

馮曰慶妻江氏 年二十八夫死無子撫侄爲繼現年六十二

趙國燭妻吳氏 年二十夫死撫孤成立又撫夫以弟孤女八人長成厚遺之現年六十餘

曾廣洙妻趙氏 年二十二夫死撫姪上衡入邑庠現年六十

劉之文妻楊氏 年二十一夫死撫孤現年五十八

趙國相妻猶氏 年十六夫死守節現年五十三

趙其培妻蘇氏 公源女年二十五夫病割臂救之不愈矢志撫孤後姑病割臂療之孤旭成庠生現年

五十四

陳天華妻王氏 年二十二夫死撫孤現年五十二

並公舉
事實

附錄割股救親藍孔氏蕭李氏蘇趙氏王何氏趙
顏氏猶羅氏曾胡氏杜胡氏並公舉

綏陽縣

國朝

庠生夏嗣聖妻張氏 年二十三夫死守節不渝庠
事翁姑課子之瓊遊庠年八十餘卒雍正七年題旌
庠生郭憲汾妻陳氏 年二十夫亡守節孝事翁姑
喪葬盡禮撫子未成遊庠年八十一卒雍正七年題
旌

丁大椿妻雷氏 年十九歸丁逾年夫死遺腹生子振先躬操井臼孝事翁姑教子成名年六十餘卒雍正七年題旌

田大年妻邱氏 年十六歸田三十夫死遺孤四氏紡績事姑教子成立年六十七卒雍正七年題旌
鄭紀妻馮氏 年二十五夫死矢志事姑教子年六十七卒雍正七年題旌並通志

庠生傅維濬妻張氏 年十九夫死遺孤汝桂二歲張慟不欲生念親無二子子又孤獨遂決志撫後次年翁亦卒姑黃氏方三十六歲共矢永操教汝桂成

進士年四十九卒乾隆三十年題旌

縣志

周鴻啟妻韓氏鳳翽婦事嫡姑生姑克盡婦職嫁三年夫死無子撫姪爲繼力貧苦守乾隆五十九年

題旌

碑

郭陳氏旌表坊在石碓窩今圯有一碑刻郭陳氏建坊處時代事實無所考

趙應宗妻陳氏李鑑撰傳陳節婦者綏陽儒家女年十七歸應宗三年應宗死氏泣絕復甦者數服除翁姑以氏年少無子欲奪其志氏曰婦奉職無狀未能爲趙氏衍宗嗣不幸稱未亡人氏之命也又死不

旦暮者以舅姑_也欲代亡夫供饋粥倘不見憐卽從夫于地下矣且計且悲義形于色居久之氏知翁意不可違託展墓歸父母家依焉趙知其不可奪遂聽之當是時獻賊破蜀殺掠幾盡餘寇四集于綏父兄咸爲氏慮氏以短刀自隨毅然曰父兄勿憂倘有相凌頭可斷身不可辱也寇氛消息強聚復熾民間寡婦獲全者少氏從父兄于鋒鏑中自甲申至甲午卒能保身完節其弟陳我聖乃邑明經從予遊道其姊之苦節如此嗚呼予三歲而孤太孺人邱氏大節昭著余因陳氏未嘗不歎息流涕也夫鬚眉男子委身

事人不二心者指不多屈陳氏不食其言可不謂賢乎且夫人之所尤難者以婦道而兼子職也余將聞之上官故詮次其始未以續栢舟云

庠生徐上達妻誠氏年二十夫死遺孤一歲堅志守節教子方宣成貢生年七十卒

劉天福妻車氏年二十夫死子幼家貧屢經兵燹紡績教子斌澤俱遊庠年六十三卒

貢生王執中妻周氏子瑚妻唐氏執中早死氏勵志撫孤瑚甫成名卽病故氏與媳唐撫孤孫汝翼時值兵荒姑媳相依爲命教孫成歲貢年七十六卒

黎具瞻妻張氏 年二十夫死矢志不渝教子成立

年六十卒

李讓妻王氏 年三十夫死守志事翁姑至孝養葬
盡禮撫遺腹子成

王文珪妻蕭氏 年二十餘夫死苦志撫孤年八十
三沐浴焚香端坐而逝

庠生胡士良妻傅氏 年二十一夫死遺孤三歲念
翁姑俱老遂代夫孝養撫子遊庠年六十餘卒

崔如林妻鄭氏 年二十三夫死守節撫孤年七十

七卒

並縣志

楊氏夫早死守節雍正十三年知縣慈安門曰

水霜

庠生周鴻仕妻黎氏年二十三夫病篤割股救之

卒死撫孤子楫其夫兄客外不歸嫂見氏孀孤圖其
產逼之改醮氏不從與楫瀕死者數乃以楫寄育母
家嫂恚甚乘間拽氏髮投水中壓以石旁救獲免氏
因移居母家艱苦備至或有勸改適者氏曰無此孤
我猶不爲狗彘行况尚有周氏一脈乎惟日攜楫拾
薪汲水冀全活後楫入武庠嫂猶存家窘甚氏分粟
養之死葬之如禮年七十卒

李學臣妻吳氏

年十七歸李事翁姑孝後舉家病

疫獨氏無恙割股救翁以愈夫病沒氏時年二十八

撫孤如筠成庠生年八十九卒

冉永遠妻李氏

年二十一夫死母家欲奪志氏苦

守不從時值大饑氏歛赫根作餅易米養姑教子甚

嚴見其孫成庠生年七十六卒

何琳妻周氏

年二十一夫死撫成立年八十卒

庠生袁一枝妻鄭氏

年二十七夫死守志年七十

卒

杜周氏 年二十八夫死剪髮矢志撫孤事翁姑稱

孝乾隆庚子三月大雨雹氏恐傷姑環護之四村片
瓦不存惟氏家如故年六十八卒

唐廷輔妻李氏 年十九夫死撫孤成立善事翁姑
卒臻上壽

庠生楊運乾妻彭氏 年二十五夫死撫子善事舅
姑年七十卒

丁一醇妻張氏 年二十七夫死事老姑以孝聞教
子孫有聲庠序年六十八卒

曾日勝妻胡氏 年二十三夫死撫孤年五十四卒
晏其祥妻熊氏 嫁甫三月夫客蜀遂死家人逼之

改嫁氏曰嫁不能死我能耳撫姪爲嗣年六十餘卒
庠生楊春華妻李氏 年二十九夫死撫子事翁姑
年六十卒

田洪仕妻鍾氏 年二十六夫死遺孤甫二月堅志
苦守年六十八卒

易明德妻韋氏 年二十夫死撫一子成立年六十

四卒

庠生麻禮謙妻吳氏 年二十五夫死撫子鳴鳳成

庠生年八十一卒

庠生楊繡妻王氏 繡駿烈子氏年二十四夫死一

子繼死撫姪爲嗣後客外不歸女適張亦孀居氏依之終年七十七

周敦善妻李氏 年十八夫死撫遺腹子珍成立遊庠年五十餘卒

賈開仕妻陳氏

年二十五夫死撫孤年七十三卒

劉浩妻尹氏

浩以兵調征大金川陣亡氏時二十一

六歲奉孀姑寢處不離側母家及親鄰數十年不一往來撫二子成立事姑至九十六始終年八十二卒

夏維雍妻陳氏

年二十一夫死守志撫孤見孫遊

庠現年七十五

庠生陳良秀妻伍氏 年二十九夫死撫孤新培成
庠生現年六十九

杜何氏 年三十夫死矢志現年六十六

庠生丁英烈妻陳氏 年二十八夫死撫子事姑現
年六十五

楊運登妻符氏 年二十二夫死守節現年六十二

賀氏 夫早死事孀姑撫孤成立現年六十一

余秉哲妻張氏 識詩書大義年十七歸余姑卧疾

三年奉侍不稍懈姑死哀幾滅性年二十八夫死撫
遺孤三衣食束脩皆出紡織三子俱成庠生現年六

十七

張映妻楊氏 繡女年二十五夫死撫孤成立現年五十七並公舉事實

仁懷縣

明

王銘妻鍾氏 銘遺孤四歲家計寥落氏辛勤紡績孝事翁姑訓子成立孀居五十年

李睿妻胡氏 睿好獵氏泣勸感悟年十七夫卒閑四月生遺腹子嘗值歲旱襁負鬻中採蕨療饑年六

十六卒

王端妻方氏
歸王一年夫病篤囑曰汝待婢或男女皆改嫁氏泣曰天若不絕君嗣願相依爲命端曰

若此任汝爲之遂死氏生子撫之成立守節終身

並陳

志

國朝

庠生安炯妻卞氏
舉人貞女氏自幼淑慎年十八歸炯姑已亡翁年七十氏恪其婦職俾炯得專志攻苦旋炯沒氏時二十四歲顧翁老遺子無依乃不果殉越三年翁卒氏盡哀盡禮六親歎息子稍長動輒繩以禮法成淳謹士乾隆二十五年題旌

庠生袁洪品妻卞氏

贈戶部山西司主事家女年

十九歸洪品十年洪品以鄉試客死凶問至氏一富

幾絕家人婉慰之乃忍淚理家事事繼祖姑爲所鍾

愛事翁姑繼姑亦能盡職教三子不失法度長子及

三子亦早死寡媳相依能率其訓道光元年題旌

庠生卞雲翔妻袁氏

貢生楷媳年十六歸雲翔十

一年雲翔亡有子廷桂攀桂遺腹生子芳桂矢志撫

孤備歷艱苦奉翁及繼姑皆得歡心長次子早夭芳

桂及孫承毅皆列膠庠道光元年題旌

庠生李國朝妻劉氏

年二十六夫亡矢志撫孤奉

親夫既無兄弟舅姑皆年過六十漫游自適忘其無子也子亦早死更撫孤孫壽九十餘道光五年題旌周子卿妻焦氏年二十一夫亡矢志撫孤不憚艱

苦道光五年題旌

平岱妻唐氏夫死守節多年道光七年正月往省兄適他出有竊其兄鴨者助嫂斥之爲所毆詈忿縊死道光九年題旌

陳映尹妻潘氏年二十二夫亡矢志奉舅姑家貧紡績以食姑沒事繼姑與姑無異撫幼子成立道光十二年題旌

李廷輔妻曾氏 年二十六夫死哀毀幾不欲生以
翁姑老夫又無兄弟紡績以供甘旨教三子俱有法
長子芳早卒婦張氏亦青年守節能承其志道光十
四年題旌

曾玉妻王氏 年二十三夫亡無兄弟舅姑皆六十
餘晝則春磨夜則紡績以奉甘旨撫子鳳鳴入庠而
夭復撫孤孫銓鋐相繼入庠道光十六年題旌並題旌冊

楊友桂妻林氏 年二十夫亡撫姪春芳爲嗣成貢
生年八十七卒

袁衣謨妻何氏 年二十一夫死撫孤年八十五卒

龔義龍妻曹氏

年十九夫死遺孤南三月家甚貧

力苦守志年六十三卒

卞丹桂妻張氏

年二十四夫死撫孤距母家二十

里以其在市井中數十年不歸寧年五十四卒

袁旭儒妻何氏

年十九夫死守節年六十卒

袁文薦妻馮氏

年二十一夫死守志年五十八卒

羅湛妻胡氏 年二十夫死撫遺腹子成立年七十
卒

庠生鄧國治妻董氏 年三十夫死撫子宗聖成庠
生年七十四卒

庠生趙仲攀妻朱氏 事翁姑孝姑病以身代禱於
神及割股以進愈年二十四夫歿撫二子成立年
五十九卒

武生何文珍妻袁氏弟文璉妻羅氏文瑛妻袁氏
文珍妻年二十六夫死羅年二十四袁年二十五夫
皆死三婦共撫一孤事翁姑盡道道光十二年貴州
按察使旌其門曰一門三節文珍妻年七十三卒現
在羅年六十七袁年五十九

監生袁鐵儒妻卞氏

雲龍女年二十二夫死無子撫姪爲繼

年五十二卒

潘其位妻李氏

年二十二夫死遺孤三月矢志撫

成年八十二卒

穆珍妻王氏

年二十六夫死撫孤年六十二卒

陳清奇妻王氏

年二十四適陳未一月夫死逾年

遺腹生一子力貧撫成年六十二卒

鄧越妻穆氏

年二十五夫死守志年七十八卒

陳鳳山妻鄭氏

年二十六夫死撫孤現年七十

雷第震妻王氏

年二十五夫死貧極以女工爲活

有得以飽其姑餘始哺其兩子饑寒備厯聞者慘之
現年六十九

熊楷妻王氏 年二十四夫死撫孤子事翁姑現年
六十五

袁汎儒妻何氏 年二十六夫死撫孤現年六十三

卞世榮妻袁氏 年十七自仁懷歸江津卞氏未幾
世榮死氏痛絕復甦聞姑哭哀甚強起慰姑曰婦在
天不絕兒後俟叔有子可以繼徒慟兒無益也越數
月姑遣氏歸寧無幾時姑及叔相繼死氏聞之大痛
誓必奔姑喪家人阻之曰汝一家亡矣何歸乎氏與

父訣曰兒生爲卞氏婦死爲卞氏鬼但歸卞死無
父不得已送之歸至江津先適姑塋一慟幾絕依依

夫伯氏守志終身

並公舉事實

才藝

明

黎懷義妻羅氏

名蘭英工畫蘭家

國朝

教諭陳訏妻高氏

訏字修和綏陽貢生官四川彭

水教諭氏善琴工詩及書畫著有西軒詩集其眷恩

云嫩綠雨餘春影涼東風吹夢到家鄉楊花開過梨

花盡惟有薔薇傍短牆詠雪云昨日枯林盡粉妝梅
花猶自拗春芳堆銀積玉知多少不濟貧夫一顆糧
俱秀婉可誦遵義詩鈔

學正王德洵妻劉氏 淳遵義舉人官永寧州學正

劉善詩洵年八十二卒劉哭之詩云藁砧失去倍增
愁隨唱追惟六十秋白璧易成千載恨青山難寫此
時憂風聲故向新墳繞月色還從舊案畱知得仙班
仍列否蓬山無路海悠悠

庠生陳煥農妻王氏 煥農綏陽人妻德洵女家
以詩不失風格著有繡餘集並同上